

1866.

11. júní.

es, af skipinu út í betrunarhúsið á Vridslöselille; er upphæð kostnaðarins 3 rd. 34 sk., og hafa þeir verið borgaðir fyrirfram úr lögreglusjóði Kaupmannahafnar.

Um þetta skal yður kunngjört, að eptir reglum þeim, sem farið er eptir, smbr. konungsbréf 17. aprílmán. 1789 og hinar seinni ákvarðanir, er fara í sömu stefnu, á að greiða kostnað þenna úr ríkissjóðnum, og hefir því í dag verið hlutazt til um, að þessir 3 rd. 34 sk. verði borgaðir lögreglusjóði Kaupmannahafnar úr aðalféhirzlunni hér í bænum af fé því, sem veitt er í 9. gr. VI C í fjárhagslögunum til óvissra gjalda banda Íslandi.

11. júní.

59. Bréf dómsmálastjórnarinnar til amtmannsins yfir vesturumdæminu, um borgun fyrir lækning og aðhjúkrun á betrunarhússfanga.

Í bréfi dagsettu 6. aprílmán. þ. á. hafið þér, herra amtmáður, skýrt frá, að sýslumaðurinn í Dala sýslu hafi gjört fyrirspurn til amtsins um það, hvort amtsjafnaðarsjóðurinn ætti að endurgjalda lögreglusjóði Kaupmannahafnar 7 rd. 82 sk., sem borgaðir höfðu verið fyrirfram úr sjóði þessum, og sýslumaðurinn verið krafinn um; höfðu 5 rd. af þessu verið borgaðir fyrir lækningu og aðhjúkrun á Jónatan Sigurðssyni, betrunarhússfanga, sem á heima í Dala sýslu, á bæjarspítalanum í Kaupmannahöfn, þar sem honum var komið fyrir undireins og hann kom frá Íslandi, og 2 rd. 82 sk. fyrir að flytja sakamann þenna frá spítalanum út í betrunarhúsið á Vridslöselille. Þér hafið getið þess, að yður virðist vafalaust, að eptir ákvörðunum þeim, sem farið er eptir, eigi allt eins að borga kostnaðinn við að flytja sakamanninn frá Kaupmannahöfn út í betrunarhúsið á Vridslöselille úr ríkissjóðnum, eins og flutningskostnaðinn frá Íslandi til Kaupmannahafnar, og að líka eigi að yðar hyggu að borga kostnaðinn við lækningu hans á bæjarspítalanum á sama hátt, með því að sá kostnaður hafi borið að, meðan verið var að flytja hann frá Íslandi þangað, sem hann átti að taka út hegn-

iuguna; þér hafið því farið þess á leit, að þessir 7 rd. 82 sk. verði endurgoldnir lögreglusjóði Kaupmannahafnar úr ríkissjóðnum.

1866.
11. júní.

Um þetta skal yður kunngjört, að stjórnarráðið er yður samdóma í því, að það eigi að greiða úr ríkissjóðnum bæði kostnaðinn við að flytja sakamann þenna þangað, sem hann átti að taka út hegninguna, og líka kostnaðinn við veru hans á bæjar-spítalanum hér, og hefir því í dag verið hlutast til um, að þessir optnefndn 7 rd. 82 sk. verði borgaðir lögreglusjóði Kaupmannahafnar úr ríkissjóðnum, af fè því, sem er tilfært í 9. gr. VI C í fjárhagslögunum.

60. Bréf dómsmálastjórnarinnar til stiptamtmannsins yfir Íslandi, um gjaldfrest á skuldum jafnaðarsjóðs suðuramtsins.

20. júní.

Með bréfi 2. marzmán. þ. á. hafið þér, herra stiptamtmaður, sent hingað útdrátt úr reikningi um jafnaðarsjóð suðuramtsins árið 1865, og sèst á honum, að á þessu reikningsári hafa gjöldin verið 141 rd. 37 sk. meiri en tekjurnar, auk skulda, sem eru alls 2718 rd. 68 sk. og ekki hafa orðið borgaðar í tækan tíma úr sjóðnum, það er að segja: 1) Það sem eptir stendur af alþingis-tollinum fyrir árin 1861—62 og 1864—65, alls 1268 rd. 68 sk.; 2) 1000 rd., sem á að vera búið að borga uppí lán það, er suðuramtinu var veitt úr ríkissjóðnum í fjáráaukalögunum 30. desembermán. 1858; 3) 450 rd. skuld til Thorchillii sjóðs; og við þetta bætast enn nokkrar skuldakröfur útaf ráðstöfunum gegn fjárkláðanum árin 1862—63 og 1864—65, sem ekki verður enn þá sagt með vissu, hversu stórar sèu. Þér hafið skýrt frá, að yður þyki ísjárvert, að leitast við að borga skuldir þessar, sem allar hafa á fallið síðan 1861, með því að hækka jafnaðarsjóðsgjaldið í einu um svo mikið, sem til þess þyrfti, en í von um, að dómsmálastjórnin fallist á uppástungu yðar í bréfi 1. marzmán. þ. á. um, að yður verði veitt til umráða nóg fè til að borga með kostnaðinn við ráðstafanir þær, er gjörðar hafa verið